

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

#### **«Коми Республика мутасын видз-му овмөс тӧдчанлуна муяслӧн оборот йылысь» Коми Республикаса Оланпасӧ вежсьӧмьяс пыртӧм йылысь**

Примитӧма Коми Республикаса

Каналан Сӧветӧн

2020 во лӧддза-номья тӧлысь 10 лунӧ

**1 статья.** Пыртны «Коми Республика мутасын видз-му овмӧс тӧдчанлуна муяслӧн оборот йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2005, 12 №, 4106 ст.; 2006, 9 №, 4546 ст.; 2010, 24 №, 580 ст.; 50 №, 1435 ст.; 2011, 14 №, 350 ст.; 2013, 5 №, 108 ст.; 17 №, 349 ст.; 2014, 13 №, 195 ст.; 209 ст.; 2015, 4 №, 30 ст.; 2016, 4 №, 49 ст.; 18 №, 250 ст.) татшӧм вежсьӧмьяс:

1. 5 статья гижны тадзи:

**«5 статья.** Индыны, мый Коми Республика нимсянь видз-му овмӧс тӧдчанлуна муясысь му участок ньӧбӧм йылысь (ньӧбны ӧткажитӧм йылысь) решениесӧ, мый серти воис видз-му овмӧс тӧдчанлуна муясысь му участок вузалысьсянь татшӧм му участок вузавны кӧсйӧм йылысь извещение, примитӧ Коми Республикаса Вескӧдлан котыр инӧда актӧн пӧрадок серти, кызди урчитӧма Коми Республикаса Вескӧдлан котырлӧн Уджаланартӧн.

Тайӧ статьяса медводдза юкӧнын индӧм решениесӧ примитӧгӧн Коми Республикаса олӧмӧ пӧртысь власьт органьяслысь ӧта-мӧдкӧд уджалан пӧрадоксӧ урчитӧ Коми Республикаса Вескӧдлан котыр «Видз-му овмӧс тӧдчанлуна муяслӧн оборот йылысь» Федеральнӧй оланпаслӧн 8 статьялысь положениеяссӧ тӧд вылӧ босьтӧмӧн.

Кор Коми Республика ӧткажитчӧ видз-му овмӧс тӧдчанлуна муясысь му участок вузалан доньсь нӧбигӧн верктуя инӧдысь, сэтшӧм лоӧмторъяс кындзи, кор вузалӧма йӧзлы восьса торгъяс вылысь да кор му участоксӧ босьтӧма канму либӧ муниципальной коланлун вылӧ, татшӧм инӧдсӧ босьтӧ Коми Республикаын муниципальной юкӧн, кодлӧн мутасын лоӧ тайӧ му участокыс.».

2. 6 статьяын «муниципальной юкӧнлы» кывъяс водзӧ содтыны «Коми Республикаын» кывъяс.

**2 статья.** Тайӧ Оланпасыс вынсялӧ сийӧ официальной йӧзӧдан лунсянь.

Коми Республикаса Веськӧдлан котырлы примитны тайӧ Оланпас збыльмӧдӧм вылӧ нормативной инӧда актъяс.

Коми Республикаса Юралысьлысь  
могъяс недыр кадколастӧ збыльмӧдысь

В.В. Уйба

Сыктывкар

2020 вося лӧддза-номъя тӧлысь 15 лун

34-РЗ №